



Central Electricity Board (CEB)

KOMINIKE Bil Kouran Mwa Fevrie

Swit a bann komenter lor rezo sosio konsernan bil kouran pou mwa fevrie 2024 ki plizier konsomater pe ziz elve, **Central Electricity Board (CEB)** p amen bann prezision swivan:

1. CEB finn note ki sak lane, faktir pou mwa fevrie ena enn tandans pli elve ek nou gagn boukou reprezantasyon de la par de bann konsomater.
2. Li bon kone ki faktir fevrie replet konsomasyon elektrik pou period desam a zanjie, ki bann period festiv ek kot la popilasyon servi plis kouran.
3. Depi mwa novam 2023, CEB finn lans enn kanpagn sansibilizasyon pou inform bann konsomater exers enn kontrol pli strikt ek pa gaspiy kouran pandan period fet pou evit retrouv zot avek bann faktir exsesif.
4. Anplis, period desam ek zanjie se de mwa ki pli so ek pli imid de lane. Alor, san mem realize, la population servi plis vantilater ek klimatizer pandan bann long period, ki li pandan lanwit ou lizour.
5. Enn klimatizer servi ant 1 a 2 kilowatt par er (kWh) ek pandan enn nwit li enn minimum de 10 kWh. Lor 30 zour, li fer deza 300 kWh, swa 300 inite ki anviron Rs 1,800 pou enn sel klimatizer.
6. Sertin dimounn finn asosie ogmantasyon lor zot faktir a enn ogmantasyon tarif elektrisite. Dornie ogmentation tarif ki ti ena date de fevrie 2023 ek sa ogmentation tarif la ti aprouve ek avalize par URA (Utility Regulatory Authority).
7. Lor plis ki 410,000 abone domestik, zis 15% ki ti konserne par sa ogmantasyon tarif-la. 85% abone (anviron 350,000) ki servi mwins ki 300 inite pa ti afekte par ogmantasyon tarif ek 60,000 konsomater ki tom sou tarif sosyal ti benefisie 1 rediksyon 20% lor zot faktir.

8. Tarif CEB li enn tarif progresif. Donk, plis ou konsome, plis kou par inite monte, kouma indike dan tablo swivan:

Konsomasyon	Kou par kWh (inite)
Premie 25 kWh	Rs 3.16 par kWh
25 kWh swivan	Rs 4.38 par kWh
25 kWh swivan	Rs 4.74 par kWh
25 kWh swivan	Rs 5.45 par kWh
100 kWh swivan	Rs 6.15 par kWh
50 kWh swivan	Rs 7.02 par kWh
50 kWh swivan	Rs 7.90 par kWh
200 kWh swivan	Rs 10.46 par kWh
500 kWh swivan	Rs 10.68 par kWh
500 kWh swivan	Rs 10.91 par kWh
500 kWh swivan	Rs 11.13 par kWh
Tou kWh siplemanter	Rs 11.36 par kWh

9. Pou plis transparens, CEB p demann bann abone ki ena smart meters ek aplikasyon MoKouran, zot kapav trouve par zot mem, ki ti zot konsomasyon pandan period desam-yanvie.
10. CEB oule rasir la popilasyon ki zame pa finn sirfaktir bann abone. CEB fer enn lapel pou ki bann abone exers enn kontrol lor zot konsomasyon. Sel mwayin pou pa pey boukou kouran... se pa gaspiy li.